

www.BibleForChildren.org



उत्पत्ति 6




नुह नु ओवलियाद यी छे। नुह धोरमी
मानुस आरु आपसे टेमे क मानषो मा
खोरु होतु ;आरु नुह परमेश्वर पुठी
चालतु रोयु। आरु परमेश्वर न कोळी
पोर जी निगाह कोर्यो ती काय देख्यो कि
हुयी बिगड़ी होयली छे; काहकी

आखा जिवे न कोळी पोर


आपसो चाल
चलन बिगाड़
लेदा हुता।




ती परमेश्वर न नुह सी कयो, “सब जिवो क खोतोम कोरने
क सोवाल मारे ओगोव आय गोयलो छे काहकी हेन्दरे
कारण कोळी झगड़ो करावनो सी भोराय
गोयली छे, ओतरान कोरिन हांव हेनुक कोळी
भेळ नाश कोर दीसा।”



“ओतरान कोरिन तु गोपोर झाड़ क लाकड़ा क एक
ढोन्डयो बोनाव, तेरेमा खुल्या बनावजी, आरु माहाय
खोयड़े हेना पोर राल लागाड़जी।”




इने रीते तु बोनावजी: ढोन्डया
क नाम्बाय तीन सोव हात,
चोवड़ो पोचास हात, आरु
उचो तिस हातोन रोहे।




“आरु भाती भातीन क खानो चिज
जे खातला छे, ओको तु लिन तारे
जुळ एकठो कोरीन राखजी; जो
तारे आरु ओका खाने क
लिय होयसे।”




आरु सब जीवतला जिवो मा सी तु एक एक जाती क दुयदुय,
यानी एक नर आरु एक मादा ढोनड्या मा ली जाईन,
आपसे साते जिवतला राखजी।




आखी जाती क चुखला ढुरो मा सी तु सात साते जुड़ो अर्थात् नर
आरु मादा लावजी; बाखुन जे चुखला नी होय, तेनु मासी
दुयदुयलावजी, अर्थात् नर आरु मादा आरु आकाश क
चिल्ला मा सी वी सात साते जुड़ो, अर्थात् नर आरु
मादा लेजी, की हेन्दरो ओवलियाद वाचीन
आखी कोळी क उपोर बोनलो रोहे।






नुहूँ आपसा पुर्या, लाड़ी,
आरु उहड़सीया भेळ
जल-प्रलय सी वाचने क
लिय ढोन्ड्या मा गोया।





जोत्यार नुह क ओमोर क छः सोव
साल क दुसरा मोहना क सत्रवो दाहड़ो
आयो; तेनेत दाहड़े मोटला उंडा दरीया क
आखा सोत फुट निकोळ्या आरु आकाश
क झरोखा उगड़ी गोया . . .





... आरु पानी चावीस दाहडा आरु चावीस रात
एकसारकु कोळी पोर पोडतु रोयु।




जळ जाद् जादा धोरती पोर बेसको बोड़
गोयो, आरु ढोन्ड्यो पानी क उपोर झेपतो
रोयो।




पानी कोळी पोर बेसकोत बोड़ गोयो, यां लोगुन कि आखी धोरती पोर
जोतरा मोट्टा मोटा बोयडा हुता, आखा डूब गोया। जे जागा पोर हुता,
हेनुसी जोतरा वी नाको मा जोवोन दोम लेता हुता, आखा मोर मिट्या।




बाखुन परमेश्वर नुह आरु जोतरा बनेले दुरे आरु
पावन्या दुरे ओका सात मा ढोन्ड्या म हुता,
तेनु आखाक फोम राख्यु:आरु परमेश्वर कोळी
पोर वाहवो उहवाड्यो,
आरु जळ कोम होयने लाग्यो;



आरु ऊण्डा दरीया क सोता आरु आकाश क झरोखा
बंद हुय गोया; आरु जिना सी पानी पोड़तो हुतो चो
वी रुक गयो; आरु डेड़ सोव दाहड़ा क बाद मा जळ
धरती पोर गुथो घोटने लागयो।






ओळतेन ओसो ह्यो कि चाळीस
दाहडा क वाद मा नुह आपसा
बोनावला ढोन्यान खिडकी
उगाडीन, एक हाडगावाक उडाय
दिदो: जोत्यार लोगुन पानी धोरती पोर
गोथो सुख्यो नी, तालोक लोगुन हाडगावो
ओथोन ओथो फिरतो रोयो। ओळतेन
हेर जुळ एक पेरवी काजे वी उडाय देदो ने
देख्यो कि जळ धोरती पोर सी घोट्यो की नी।




तोत्यार दुसरे मोहने क सत्ताईसवे दाहडे क धोरती पोर सी आखे
रीते सुक गोय। तोत्यार परमेश्वर नुह क कयो, तु तारा पुर्या,
घोरवाळी आरु उहुडसीया आखाक लिन ढोन्ड्याम
मा सी बाहर नीकोळी जा।



तोत्यार नुह योहोवा क लिय एक वेदी बनायो;
आरु आखा चुखला दुरो
आरु आखा चूखला
चिल्ला मा सी थुडा
थुडाक लीन वेदी पोर
होमबली चढायो।






ओळतेन परमेश्वर
कयो, “जु वायदु हांव
तुमरे साते, आरु जोतरा
जिवतला जिवे तुमरे साते
छे तेनु सब क साथ वी
जोलोम जोलोम् क पीढी क लिय
बांधो, ओकी यी सोहलानी छे:

हांव वादळा मा आपनु
बाम मेकलु छे, चो मारे आरु
कोळी क विच मा वाचा क
सोहलानी रोहसे।






आरु जोत्यार हांव
कोळी पोर वादळो
फेलावीस ती वादळा
मा बाम देखा पोडसे।
ती मारी जी वाचा तुमरे आरु
सब जिवतला डीलवाळा जीवो क
सात बन्धी छे; उको हांव फोम

राखीस, ती ओसो
जळ-प्रलय ओळी नी होयसे
जिनासी सब जिवो क
विनाश होय।



ओळतेन परमेश्वर नुह आरु
ओका पुर्या क बोरकोत आप्यो आरु उना सी
कयो फुलो-फलो, आरु वोदु, आरु कोळी मा
भोराय जावु। नुह क पुर्य जो ढोन्ड्या मा
सी निकोळ्या चे, शेम, हाम आरु येपेत
हुता; आरु हामु कनान का बाबो
हुतो। नुह क तीन पुर्या येत
छे, आरु ओकी

ओवलियाद आखी
कोळी पोर जात रोया।



काहकि यहोवा-भगवान जगत साथे ओसलो
मोंग राखे कि उका आपनो एकखुळीयो पोच्य
आप दिदो, ताकि उका पर जु कुन विश्वास करे
त्यो नष्ट नी हुयो, पुन अमरकाय
जीवन जड़से।



रोमियो 3:23 एरकरीन कि सब पाप करला छे आरू यहोवा-भगवानन महिमा छे,

रोमियो 6:23 काहकि पापन दाहाड़की ते मृत्यु छे, पुन यहोवा-भगवानन वरदान हामरा पोरबु मसीह ईशु मा अमरकाय जीवन छे।

इब्रानियों 9:27 आरू जोसो मानुस क करता एक बार मरना आरू अतरान करीन बाद न्याय क हुयने नियुक्त छे।

इफिसियो 2:8,9 काहकि विश्वास न लारे दया सी तुमरो छुटकारो होयलों छे, आरू यो तुमरे तरफ रयन नीहि, पर यहोवा भगवान क दान छे; आरू नी कामो क कारण, ओसो नी हुयो कि कोय डाहळाय करे

रोमियो 10:9,10 कि यदि तु आपना मुय रईन ईशु क पोरबु जानीन अंगीकर करे आरू आपने मन रईन विश्वास करे, कि यहोवा-भगवान उको मरलाम रईन जीवाड़े, ते तुखे नक्कि उधदार जुड़से। विश्वास करने से आपनु यहोवा-भगवान क साथे सही संबंध मा आवता छे, ते विश्वास करने से खुद मुय करीन कोतारलीन छुटकारो जुड़तो छे।



यहुन्ना 3:16,17 “काहकि यहोवा-भगवान जगत साथे ओसलो मोंग राखे
कि उका आपनो एकखुळीयो पोन्च आप दिदो, ताकि उका पर जु कुन
विश्वास करे त्यो नष्ट नी हुयो, पुन अमरकाय जीवन जड़से।
यहोवा-भगवान आपसा पोन्चा काजे इनान करता नी मोकल्यु कि जगत पर
दण्डन हुकुम दे, पुन इनान करता कि जगत ओको व्दारा उध्दार जड़से।

1 यहुन्ना 5:11-13 आरू वो गवा यो छे कि यहोवा-भगवान ने हामु
अमरकाय जीवन आप्य छे, आरू यो जीवन ओका पोन्चा मा छे।
ओका साथे पोन्च छे, ओका साथे जीवन छे; आरू ओका साथे
यहोवा-भगवान क पोन्च नी, ओका साथे जीवन भी नी छे।
हाव ने तुमू जो यहोवा-भगवान क पोन्चा क नाव पर विश्वास करता होय,
एरकरीन लिख्या छे कि तुमू जानु कि अमरकाय जीवन तुमरो छे।



उत्पत्ति 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Dhankavi Bible (dhn) © The Word for the World International
and Dhankavi Mandli, Khargon, Raykhed, Nandurbar,
Maharashtra 2025

<https://www.bible.com/en-GB/bible/4055/MAT.1.DII25>

©2026 Bible for Children, Inc.

www.M1914.org

www.bibleforchildren.org

